

نومرو : ۱۴

برشنبه ۳۰ تشرین اول ۱۹۱۹

سر محوری :

ضالده ادیب

بو یوک و محبوسه

اول بش کونده بر پنجشنبه کونلری چیقار ادبی ، علمی مجموعه در .

نسخه سی ۱۰ غرومدر

... اداره خانه بی ...

« ثروت فنون » مطبعه سنده در

صاحب امتیازی

صبیه زکریا

— چالان .

— بنده سنی براقان .

آبدال چوجوق کبی یوزنی بوروشدوردی .
دوداقلرنی بوکدی . آغلامه باشلا . فقط
کذاب اونی اوچشادی . زوالینک صاچی صاقلنه
قارشمیشدی ، پارچا پارچا مور فستانک آلتندن
قوتلی قیللی کوكسی کوروپوردی . کذاب
« سکا جویز صوجوغی ویره جکم » دیدی .
آبدال بردنبره صوصدی . آلریله کوزلرنی
سیلیدی . صیریتدی .

— ویرهله .

— کلکه ویره یون .

— ویرهله .

کذاب آبدالی قولندن طوتدی . اوطوردینی
بره کتیردی .

— چوک باقام !

دیدی . آبدال صیریتور ، نه سولرسه
یاپوردی . باغداش قوردی . پس قوشاغنه
قوانی برسلح کبی صوقشیدی . کذاب طور باسنی
آجدی . جیقاردینی طاتلی صوجوقدن بر پارچا
قوباردی . آبداله اوزاتدی . زواللی بوپارچانی
آلیر آلامز هیچ جیکنه دن یوتدی .

— ده ایتسوکمی ؟

— ویرهله .

— اما نمله یارنلک ایدهرمیسون ؟

— ایدرون .

— آل اوپله ایسه ..

— برپارچا داه قوباروب ویردی .

— قاج باشنده سون مصطفی ؟

— بیامه .

— آناک باغک وامو ؟

— یوخ .

— سن نرده یاتورسک ؟

— آخوردی .

— هانکی آخوردی ؟

— چفتلک آخوردی .

کذابک کوزلری پارلادی . برپارچا داه
قوباروب آبداله ویردی . کوبک تا قارشلرینه
اوطوردمش ، صانکه نه فوتوشدقلرنی آکلامق
ایستبور کبی دقتل دقتل یوزلرینه باقیوردی .
— سزک چفتلکه اشقیا کلش .

— یالان .

— کلش ، قوم درملی بوروک خوجایی
وورمشلر .

— آبدال برآن دوشوندی . بنه :

— یالان !

— دیدی .

— اوپله ایسه بوروک خوجایی کم ووردی ؟

— سولمه من !

— نیچون سولمه منسون تولهن ؟

— . کهیا تنیه ایتدی .

— نه دیدی که ؟

— صاقین بوحریفک بوراده ووروله یغی

— کیسه به دیه یون ، دیدی .

— یالان .

— آلیاله .

— یالان .

— آبدال قیزدی :

— بن غوزومله وورانی غوردم .

— دیدی .

— أشقیار ده کولی ؟

— ده کول به !

— کیسیدی ؟

— کهیا نک غارده شی !

کذاب صوجوقدن داه بوروک بر پارچا
قوباردی . آبدالک آغزینسه آیلله صوقارق
صوردی :

— دوغروی سولویون ؟

— آلیاله .

— یالان تولهن !

— آلیاله .

— نیچون ووردیکه ؟

آبدال کندی اونوشمش ، هم صوجوغی
بیور ، هم سولوردی :

— آغا دیدی .

— نه دیدی .

— اوکا « شو حریفی کیت وور . »

— دیدی .

— سن کوردکمی ؟

— کوردون .

— فاصل اولدی ؟ دی ، هله ،

— بوروک خوجا اوك غاپسینه آغایله
سوکوشدی .

— نهی ؟ دی ، هله .

— سوکراغافدی . آتیه پندی ، کیتدو .

— سوکرا ؟

— آغا « هی زینل ، بیش ، شو حریفی

— که نرت ! » دیسه هایقیردی .

— نهی سوکرا ؟

— زینل ، آغاسنک اوداسنه غوشدو .
مارتینی آلدو . خوجاک آرقاسندن چقدو .

— سن اووقت نرده یون ؟

— آخیرک اوکنده کورهرلری آچوردون

— سوکرا نه اولدی ، دی هله .

— بن غاپویه قوشدو . داه خوجا
ایرافلاشامشدو . زینل : « هی خوجا ، کیری

دون ، آغا پارا کی ویره جک . » دیسه باغیردی .
— نهی ؟

— خوجا کیری دوندی . یینه چفتلک

غاپوسنه کلوردو . زینل آرقاسنه صافلادیف
مارتینی بردنبره چیتاردو . اوموزینه غویدو .

— نشان آلدو . بوم .

— نهی .

— بوروک خوجا دوشدی .

— سوکرا ؟

آبدال بنه صوجوقدن ایستدی . کذاب
النده قالان سوک پارچانی دماوزاتدی . دوداقلری ،
آلری تیرتیروردی . بو لوحه همن کوزینک
اوکنه کلیوردی . صانکه باباسنک قیر اتندن
بووارلانیشنی کوروپوردی . آبدال کوه زله نیور ،
تولوی کندی صیرفته بوکله توب کورهرلک آراسنه
آندیردقلرنی سولپوردی .

— مابمدی وار

— قارلمرزه

کچن نسخنه منده ، آبنه لریمزه قولایقلریز
ستوننده ، قارلریمزی شهبه دوشورده جک بر
یاکاشلق اولمش . بز مجموعه بی هفته لی اولاری
نشره قرار ویرمش و استوننده کی آبنه شرائطی ده
اوکا کوره یازمشدق . فقط مجموعه منک نشرنده
اوغرادیمز مشکلات ، هفته لی اولاری منتظماً
مجموعه بی جیقارمق امکان اولادینی کوستردیکی
ایچون ، سوک دقیقه ده بوقراریمزدن نکوله
جیجور اولدق فقط وقت قالمادینی ایچون آبنه
شرائطی دکیشدرمه امکان بولامادق . بناء علیه
مجموعه منک آبنه لرینه کوسترمک ایستدیک
قولایقلری یکسندن آشاغی یه یازمنی موافق
کورسورز :

۱ — مجموعه منده برسنه لک آبنه اولاجقده
اولجه انتشار ایدن اون نوصوری و چیقان (نامه)
و (پری قیزله چوبان حکایه سی) اسمنده کی
حکایه لری مجانا ویریورز . عینی زمانده شیمدن
سوکرا بوروک مجموعه طرفندن نشر ایدله جک
اثر ده مجانا ویره جکدر .

۲ — آلتی آیلای آبنه لر یالکیز مجموعه
نامنه چیقان (نامه) و (پری قیزله چوبان
حکایه سی) اسمنده کی کتابلرله شیمدن سوکرا
نشر ایدله جک اثرلر مجانا تقدیم اولونور .
شیمدی یه قدر انتشار ایدن نوصورلده یاری
فیثانه ویریلر .

۳ — مکتبیلرله منحصر اولقی اوزره عینی
شرائطله اوچ آیلای آبنه قید اولونور .
قارلریمزک کچن نسخده حصوله کان خطادن
دولای عقولرنی دیلر وکندیلرینه کوستردیکمز
بو قولایقلردن استفاده ایتک ایسته به جکلرنی
امید ایدرز .

آبنه شرائطی : سنه لک آبنه ۲۳۰ ، آلتی
آیلای ۱۲۰ ، مکتبیلرله منحصر اولقی اوزره
اوچ آیلای ۶۰ غروشدر .

آبنه شرائطی . سنه لک ۲۳۰ ، آلتی آیلای
۱۲۰ ، اوچ آیلای مکتبیلرله منحصر اولقی اوزره
۶۰ غروشدر . نشر ایدله جک فوق العاده نسخهلرله
بروشورلر دخی آبنه لر مجانا ویریلر . بش آبنه
بولان قارئ مجانا آبنه یازیلر یا خود کندیسنه
پاره سی ویریلر .